



BERGARAKO UDALAREN ETA GIPIZKOAKO ELIKAGAIEN BANKUAREN ARTEKO LANKIDETZA-HITZARMENA

Bergaran, 2024ko abenduaren 30aren.

BILDURIK

Alde batetik **MAITE USABIAGA URANGA** andrea **BERGARAKO** Udalbatzako behin behineko alkate udalburua (aurrerantzean, UDALA).

Bestetik, **BELÉN MENDEZ DE VIGO VEGA DE SEOANE** andrea, 01353041-C NAN zenbakia duena, **ELIKAGAIEN ZARRASTELKERIAREN AURKAKO ELKARTEA. GIPIZKOAKO ELIKAGAIEN BANKUA** (aurrerantzean GEB), (IFZ:20605242) irabazi asmorik gabeko elkartearen izenean eta lehendakari gisa.

Bi aldeek lankidetzaz hitzarmen hau sinatzeko gaitasun osoa aitortzen diote elkarri, eta

ADIERAZTEN DUTE

GEBk lurraldeko behartsuenei elikagaiak eta oinarritzko produktuak emateko jarduera egiten du, banaketako gizarte-erakundeen bidez.

Jarduera hau egiten duten BERGARAKO udalerrian, GEBtik elikagaiak eta premiazko ondasunak hilero, lotetan, jasotzen dituzten gizarte-entitateak daude.

Elikagai-baliabideak eskuratzeko, hainbat programa eta jarduera aplikatu behar ditu GEBk: Azken minutua (fabrikazio- eta banaketa-enpresen soberakinak berreskuratzea), dohaintzak, bilketak eta maiatzeko eta azaroko bi bilketa handiak.

Programak gauzatzeko eta jarduera horiek garatzeko, GEBk bere gain hartu behar dituen kudeaketa-kostuak sortzen dira. Urtean zehar sortzen diren kudeaketa- eta funtzionamendu-gastuen artean, honako hauek sartzen dira: lokalen errentamenduak, kontratatutako langileen kostuak, garraioak, administrazio-gastuak, hornidurak, ekipoen konponketa- eta kontserbazio-gastuak eta bestelako kudeaketa-gastuak. Gastu horiek ez dira behar bezala estaltzen kudeaketa- eta funtzionamendu-gastu horietarako dauden diru-laguntzekin eta bestelako diru-sarrerekin.



Langile boluntarioen lankidetzaz doakoa den arren, komeni da aipatzea eragiketa- eta kudeaketa-lanetan 180 boluntariok hartzen dutela parte urtean zehar, egunero, eta horiei 1.500 inguru gehitu behar zaizkie, maiatzeko eta azaroko bi elikagai-bilketa handietan.

Udalak onartzen du horrek guztiak lan handia dakarrela udal-eremuan bizi diren pertsona behartsuenen beharrak asetzeko. Premia horiek, GEBren produktuak eman gabe, egun laguntzarik gabe geratuko lirateke, eta, beraz, GEBk ematen dituen zerbitzuei eusten lagundu behar du.

GEBk ematen duen zerbitzuari eusteko ekarpen hori proportzionala izan behar da helburu bererako beste laguntza edo diru-sarrera batzuek estaltzen ez dituzten kudeaketa-gastuekiko, bilketa-, biltegiatze- eta banaketa-prozesu osoa garatzeko eta udalerriko behartsuenei elikagaiak emateko.

Alde horretatik, kudeaketa-gastuei aurre egiteko diru-sarrera nahikorik ez dagoenez, elikagaiak erosteko hartutako baliabideak defizita estaltzeko erabili beharko lirateke, eta horrek behartsuen artean elikagaiak banatzeko gaitasuna gutxitzea ekarriko luke.

Horregatik guztiatik, BERGARAKO Udalak eta GEBk lankidetzaz-hitzarmen hau sinatu dute, indarrean dauden arau-xedapenen arabera. Hona hemen hitzarmenaren

KLAUSULAK

Lehena. Xedea.

Lankidetzaz hitzarmen honen xedea da arautzea zer baldintzatan lagunduko dion Udalak GEBri gaur egun estaltzen ez dituen kudeaketa gastuak eta funtzionamenduak, hitzarmen honen zioen azalpenean azaldutako helbururako lortutako diru-sarrera eta diru-laguntzek estaltzen ez badituzte.

Laguntza ekonomiko horren zenbatekoa zehazteko, GEBk banatzen dituen gizarte-erakundeen bidez udalerriak urtero jasotzen dituen oinarritzko elikagai eta produktuen kopurua (kilogramotan adierazia) hartuko da kontuan.

Bigarrena. Elikagaiak ematea.

GEBk hilero emango dizkie udalerriko behartsuenei galkorrak edo lehorrak ez diren elikagaiak eta bestelako oinarritzko produktuak, udal esparruan lankidetzaz diharduten gizarte entitateen bitartez, baldin eta aldez aurretik Udalaren zerbitzuek behar bezala ebaluatuta badaude.



Hirugarrena. Harrera-albaranak.

GEBk, hilero, hornitzen dituen produktuekin batera, albaran bat emango du. Albaran hori dagokion Gizarte Erakundearen izenean produktu horiek jasotzen dituen pertsonak sinatu beharko du. Albaran horretan, produktu-familien arabera zerrendatuta, GEBk erakunde laguntzaileari ematen dizkion kilogramoak agertuko dira, udalerrri horretako behartsuenen artean banatzeko.

Udalerrian lan egiten duten gizarte entitate guztien albaranetan agertzen diren kopuruen urteko baturak zehaztuko du GEBk urtean zehar udalerrian eman duen kopuru osoa.

Laugarrena. Diru-laguntzaren zenbatekoa kalkulatzeko.

Aurreikusitako helbururako jasotako gainerako diru-laguntzek eta diru-sarrerak kontuan hartzen ez dituzten kudeaketa-gastuek sortutako defizita estaltzen duen diru-laguntzaren zenbatekoa zehazteko, datu hauek hartuko dira kontuan:

- A. GEBren kudeaketa- eta funtzionamendu-gastuen zenbatekoa, lurralde osoan, indarrean dagoen ekitaldirako, helburu bererako gainerako diru-laguntzak eta bestelako diru-sarrerak kenduta. Hitzarmenaren indarraldiko urteetarako gehieneko zenbatekoa 150.000 eurokoa izanen da.
- B. GEBk urtean zehar Gipuzkoako gizarte entitateei ematen dizkien elikagai eta oinarrizko produktu ez-galkor edo lehorren kopurua, kilogramotan.
- C. GEBk urtean zehar udalerriko behartsuei ematen dizkien elikagai eta oinarrizko produktu ez-galkorren edo lehorren kopurua, kilogramotan.
- D. Diru-laguntzaren zenbatekoa honela kalkulatu da: estali gabeko urteko gastuaren zenbatekoa (A) zati lurraldean banatutako urteko kopurua (B) eta koefiziente hori bider udalerrian urtean banatutako zenbatekoa (C).

$$(A / B) \times C = D$$

2024 urtean Diruz lagundu beharreko zenbatekoa gehienez 2.840,00 eurotako izango da. Diru-laguntzaren zenbatekoak, xede horretarako gainerako diru-laguntzekin edo bestelako diru-sarrerekin batera, ez du hitzarmen honen xede den jardueraren kostu osoa gaindituko.



Bosgarrena. Jardueraren ziurtagiria.

Urtea amaitu ondoren, eta hurrengo urteko urtarrilean zehar, GEBk ziurtagiri bat bidaliko dio Udalari, lehendakariak emana, urtean zehar, lurralde osoan eta udalerrri osoan eman den elikagai-kopurua eta diru-laguntzek eta xede bereko beste diru-sarrerara batzuek estaltzen ez dituzten kudeaketa- eta funtzionamendu-gastuen zenbatekoa jasoko dituen, laugarren klausulako ekuazioa aplikatzearen emaitzarekin batera, urte bukatuari dagokion diru-laguntzaren zenbatekoa izango baita, hitzarmen honetako xedapenen arabera.

Seigarrena. Frogagiriak.

GEBk Udalaren eskura izango ditu dagokion ekitaldiaren balantzea eta ustiapen-kontua, horretarako kreditatutako erakunde batek ikuskatuta, hala badagokio, beste erakunde publiko edo pribatu batzuek helburu bererako izan dituzten kudeaketa-gastuak eta diru-sarrerak eta diru-laguntzak egiaztatzeko.

Era berean, Udalaren eskura izango ditu urtean zehar udalerrian parte hartzen duten gizarte entitateei emandako albaranak, laugarren klausulako ekuazioa aplikatzeko emandako datuak egiaztatzeko, hala badagokio.

Zazpigarrena. Indarraldia eta luzapena.

Hitzarmen honek indarra izango du 2024 urtean. Epe hori bukatutakoan, bi alderdiek haren edukia berrikusiko dute, hala badagokio, epe bererako luzapena ezartzeko.

Eta ezarritakoarekin bat datozela frogatzeko, bertaratuek sinatzen dute, bi aletan, adierazitako tokian eta egunean.

Gipuzkoako Elikagai Bankua

Sinatuta

Belén Mendez de Vigo

Lehendakaria

01353041C
MARIA BELEN
MENDEZ-VIGO

Firmado digitalmente
por 01353041C MARIA
BELEN MENDEZ-VIGO
VEGA DE SEOANE (R:

VEGA DE SEOANE (R: G20605242)

Bergarako Udala

Sinatuta

Maite Usabiaga Uranga

Bergarako Udaleko behin behineko
Alkatea





(R: G20605242)

Fecha: 2025.01.13
11:54:32 +01'00'

Handwritten signature: J. Usabiaga

